

爾爾書屋詩草

序

天地之氣運有盛衰人心之精力有多少而文章之轉移升降因之自有聲詩以至於今代輒數變而其大局則分而爲二漢魏以上天地之氣方盛其賦於人者厚人之操而存之者又甚固偶有抒寫率皆蘊釀畜積觸發於必不容已故雖婦人女子農夫野老所作皆足令人異世而興感六朝三唐而下天地之氣稍衰人之所稟受者薄又復朝吟暮詠凡贈答餞送游觀宴會以及應制詠物之體莫不有作胸中之所有發洩殆盡一人

之集動以尺計而且法視古益密韻視古益嚴更有以
束縛馳驟之是非基之以純篤之行輔之以淵博之學
則本實撥而取精少雖有超軼古今之才其詩絕不能
工而傳卽傳亦絕不能久且適譬如人五十後氣血漸
耗兼之食少事多必節欲以固其精神服藥以調其榮
衛乃能四體康強五官健旺韓退之云餘事作詩人杜
少陵云讀書破萬卷下筆如有神故論詩於今日品行
學問莫能偏廢其視漢魏三百又別有所以爲詩與所
以爲工者山心藏此論未敢以告人者有年矣今讀

香厓先生詩而不禁有言曰文章之傳不傳豈偶然哉
杜必簡之衙官屈宋蘇東坡之源泉萬斛自言造詣所
謂得失寸心知也先生之詩既不自言他人苦不能言
山雖欲代言又不能盡言姑畧言之 先生有官不仕
家居奉母曾滌生相國開閣求賢欲首辟之以爲一時
表率 先生以母老固辭其行之篤可知家藏書數萬
卷手自丹黃所著全史宮詞疊雅等書鏤鑄羣言自爲
一集其學之博可知故其爲詩也性情溢於詞章經籍
煥爲文采不染叫囂之習而聲調自高不矜馳騁之能

而情景俱盡人方講聲韻談格調琢字句千氣萬力以
與之角卒之傷股中肩旗靡輒亂長城如故而偏師已
覆故何也不知江河之有源而溝澮以爲之不知花木
之有根而翦綵以象之天下事遺本求末而終歸於敗
者不獨詩爲然也嗟夫自詩有別才之說興紛紛作者
自謂李杜韓蘇搖筆卽是而自識者視之幾同腐鼠鮑
魚之不可嚮邇雖有逐臭者愛之重之而盜竊虛名轉
眼澌滅此雖天地之運會亦人心之憂也山故著先
生之詩之本於學行者以救之先生曰吾之詩雖不

能盡如子之言然子之言實爲詩者所當知也以之論
詩可卽以之序吾詩亦無不可山唯唯乃詮次其語敬
書簡端

受業張山頓首謹撰

序

晉之作客樂亭獲從

史香崖先生游

先生藏書

幾三萬卷日攻苦披讀無晷刻暇殫力著述以其餘作
爲詩歌其於古也癖焉淫焉優柔饜飮故雖清詞淺語
皆有深義奧蘊磅礴鬱積愈味之而愈不能窮顧不以
自熹積數十年之所爲僅刪存八卷屬晉之點定晉之
謂已無可疵議而先生復自汰之而後刊行何其慎
也晉之於詩無所得又性疎野膏肓泉石間有模山範
水之作而率歸無用然深知詩道宜端而先生之作

爲不苟也蓋詩與史相表裏而詩之用又切於史史具
一代興亡惟秉筆出於詞臣藏之史館其書多成於異
代雖可以資法戒當時未必卽見於實用若詩則感於
不自知發於不能已忠厚悱惻之衷臆抑揚抗墜隨聲
韻而出立可呼寐者而使之覺起盲者而使之明故古
時專設太史采詩觀風以爲農夫野老勞人思婦之所
歌吟雖片章隻字皆吾國家治亂安危之所係蓋珍之
如刀寶球圖而不敢輕也自詩教不明工吟詠者不皆
出於正聲矯枉者遂概以風雲月露之詞少之甚且謂

詩爲不可爲而不知詩之益人而一日之不可無也後
生小子得先生之詩而讀之攬其大端以窺其用意
之所在於詠史之篇辨興衰成敗之機而卽以勘入已
身於敦敘師友針砭世俗審慎出處進退之什以端學
術而範性情更取其流連景光摹繪風物者博其趣而
暢其天則於先生之詩不徒讀而凡所讀之詩皆可
以先生之詩例之也故晉之之詩雖無用而深知詩
之用於人爲最切然何以遂能爲有用之詩哉非卷軸
在胸積理多而闖世深者其言雖若可用而聲亦不足

以感人必如 先生之以詩書爲性命攻苦披讀數十年如一日庶乎可矣至於 先生之詩詞旨清腴雖感憤時艱表揚忠烈之作意極迫切而一歸於溫厚和平則由 先生絕意仕進家居奉母門庭之內洩洩融融蓋太和之氣之所蘊釀而 先生亦不自知其然而然歟

光緒元年夏四月薊州王晉之謹序於尊道書院之鉏

經齋

題辭

聽鈞天樂陋凡響嘗太羹味口無爽工倕執藝本乎道
族匠紛紛失伎倆而况一代大雅擅詞宗舉凡才人學
人那復妄爭滕薛長唐朱而降多詩家蹊徑各殊紛如
麻牛鬼蛇神騁惟異鷄關虬戶爭鮮華矯滑甘弊傷澀
苦搗學究氣涉迂腐專矜格調同俳優偏恃性靈亦儻
父譬之正法眼藏熄傳燈野禪小乘何足數 香厓

先生德業尊學探月窟窮天根餘事作詩詩格厚雕蟲
篆刻那足論上與李杜韓蘇同軌轍國風雅頌尋淵源

比類拈詞寓懲勸布帛菽粟皆精言興至乘酣吐奇偉
颺迴大海波瀾翻金和玉節振雍容其詩肆好來清風
主騷壇盟數十載葵邱之會貌桓公宣聖雅言得宗旨
詩人之詩有如此青天白日舒光明威鳳祥麟協嘉祉
幾輩金門著作才宗仰 先生固其理賤子生成愚魯
姿也學蟲鳥鳴婁其俗不可醫病在骨孰與伐毛洗髓
相砭治况復飢驅學干祿東國風塵走鹿鹿爲宰愧割
武城雞驕妻或乞墦閒肉恐招移文譏彥倫那有詩名
繼昌谷拜登大箸勤披吟頓開茅塞祛塵襟春風和藹

欣入座醕醪醞釀那辭斟海涵地負力包舉金鐘大鏞
鳴東序工詩大半出窮愁難與 先生之人之詩同日
語年來詩筆老彌健奇才奇福爲時冠久爲鄉邦繫文
獻餘擇兼陶濟時彥富貴壽考絲無筭彌性優游而判
奠吾將執此詩卷以爲券

光緒十五年歲次己丑五月下浣

同里愚姪孫國楨頓首拜稿

爾雅書屋詩草卷一

樂亭 史夢蘭 香厓

四言

下酒謠 有序

余性喜讀史偶檢班范兩書有所觸發輒以四
言八句衍之共得三十四首名曰下酒謠亦取
蘇子美漢書下酒之意云

釋之結轍張良進履是真賢豪皆能屈已貴貴尊賢義
各有以爲相拂鬢毋乃可恥

子子言人言上
一
一
趙錯有父延年有母父母諄諄子曰否否屠伯遭屠智
囊授首嗟嗟少年無輕黃者

哀哀人筮死以野雞妬婦之毒竟至於斯趙王蒼狗人
或疑之不見彭生豕立而啼

亡秦苛法除自入關三章之約百姓懽然何以肉刑孝
文始蠲武之蠶室猶有腐遷

高祖入關心豔秦宮欲圖王業迺作富翁樊噲一語足
破夢夢所以文景盡免租庸

誅呂安劉周勃之勲雖非酈寄能入北軍雖云賣友誼

存君親譏以由鹿謬哉呂溫

凡民有喪救以匍匐況乎天親陷身於敵傷哉王陵不
爲元直子以使來母遂伏鑽

衛青馬卒李善荅頭青以功顯善以行優彼何人斯名
竟千秋甘心人役斯乃可羞

盛薦廟樂宣欲尊武甚矣夏侯對孫置祖尊親有諱春
秋遺矩勝之直言攘羊證父

郅都行法親貴無權荅鷹雖鷲豈是貪殘傳爲酷吏班
史殊偏何爲東漢又首董宣

越巫善詛術敗仲舒邪不害正今古無殊唐有傅奕不

信浮圖胡僧之呪亦如越巫

越巫事見風俗通

身處膏腴不能自潤廉如君魚偏爲衆訕子孫多財易
招悔吝遺以清白吾思楊震

黃雀銜環鶴雀銜鱣羽族何知兩世周旋潼亭改葬大
鳥復來關西孔子鳳德不衰

漢重選舉士每盜聲盛名難副有如樊英姜肱孝友上
遺圖形稱疾韜面逃名得名

申屠作相蹶張武夫鄧通失禮謝罪庭除人品忠佞難

資格拘詔事董賢光禹名儒

布衣任俠力折公侯請誅郭解公孫遠猷何爲苟悅倡
說三游申商小智貽禍清流

多財損志愚更招尤既成豚犬空作馬牛賢哉二疏不
置田疇一經遺子更有韋侯

蕭朱隙末張陳凶終管鮑王貢季世難逢朋友之交居
五倫中擇交全交王丹可風

博望立苑制沿思賢賓客雜進遂胎禍源商山四皓作
備於先唐宗奪嫡亦以宏文

邊臣好貨外侮易生身受敵餌遂爲敵輕前八都尉威化不行還金與馬惟張然明

既有德望自有威容何物魏應乃代承宮魏王貌陋與此頗同牀頭捉刀人識英雄

王莽之篡元后之幸止存漢臘不亦銳乎五侯同封是誰授旨假援田蚡且封苟氏

北禦匈奴南定交趾伏波功名亦云盛矣據鞍覆轡老不知止惹苒明珠謗來有以

東漢君臣競徵符命劉楊張豐遂欲熒聽外理言數其

數多誣宋儒守理乃有堯夫

忠臣不和和臣不忠人主所患上下雷同誰請杖尉督
察三公哲哉光武不聽江馮

漢明興學拜老臨雍胡爲佛教於此來東恭默思道良
弼神通金人之夢殊遜殷宗

杜密去官每謁守令糾惡薦賢有神時政苟非其人將
毋失正閉門掃軌我學劉勝

宋均爲政惟和與寬不喜文法止祛貪殘江淮猛獸北
土雞豚捐除檻穽世界一新

割雞啗母飯客以蔬茅容厲俗有道延譽子則應爾母
當奚如爲賓截髮陶母賢乎

桓桓劉訓信結胡羌數百義從迺破迷唐羌胡相攻縣
官之利誰爲此言得無階厲

漢之季世政移宦官是誰作俑又請監軍宋任童貫唐
使朝恩千秋禍首馮緝寶然

童昏嗣立外戚勢張揆厥禍本不始孝章章帝廢慶光
武廢疆宋宏諷諫鄭重糟糠

靖亂無術多寫孝經宋梟一奏取笑朝廷宋梟猶可向

榻實誣讀經滅賊適滅其軀

桓譚善琴鼓以奉帝宋宏聞之猶加訾議邕侍董卓鼓琴贊事此何異乎曹瞞鼓吏

自題聽泉小照

蒼蒼者山潺潺者水我來聽泉藉砭俗耳在山泉清出山泉濁清可濯纓濁可濯足濯纓濯足兩無容心心之結契山水清音

五言古

遊寶峯寺五峯諸勝

朝旭含遙峯浮雲籠若冪雲散日已高精藍露飯戩到

山疑路窮羊腸盤亂石寺前起崇臺得月亭如翼

寶峯寺一

名水巖寺前有軒
南向額曰得月亭

房廊隨凸凹花木縈階城颺颺林響

交幽鳥時啾唧遠山如列屏近山如攢戟北出寺門望

遊興轉增劇遂攜一叟行亂踏秋雲碧詰屈度龍潭

潭在

香川

對面懸崖闢怪石奔驚驂流泉披束帛泉石相舂

撞飛溼霑霖霖卻顧寺前亭萬木濃陰積更轉一山頭

龍蛇留筆畫舉袖拂蒼苔模糊辨波磔

龍潭東畔懸崖有鐫忠孝節義

四字大可
四五尺

絕頂仙人居傳聞頗藉藉古樹受秦封陰崖

留禹跡披蘿上重巒足繭情還迫疾學猿猱升矯隨飛
鳥鷲老叟勸余止深巖足豺獍叢棘鬱成林往遭蛇虺
螫方今秋已深風雷常不測況余筋力衰雙趺成跛蹙
聞言神若失聊就松陰息仰視頻躊躇登眺意未適迤
邐步向東幽遐費搜索過此六里許五朵芙蓉瘖恍如
太華峯仙掌巨靈擘凌虛屋數間屋後抱石壁菩薩井
三鉤大夫松一尺

句本尤
西堂

入門路忽轉廟祀昌黎伯殿

角臥殘碑蘿薜纏其額又聞湘子亭留影西山陌憑欄
望東南山海境無隔村落如町畦次第數征舶盪曾層
雲生放眼坤輿窄探奇快更進崩另入巖隙路盡見石
扉洞口黝然黑土人告我云范公開自昔傳聞半信疑
附會真堪啞一云劉九洞先是有謠云若要洞門開須
待劉九來明末山石道范志完來此固其
小字劉九遂鑿石開門鐫已係於中蒼茫獨徙倚回首日欲夕煙橫山根
青霞明林端赤相偕覓歸路側足緣山脊攀躋固艱辛
直下尤踟躕野禽隱深麓一似懼彈射秋蟲吟草根聲
聲送遊客薄暮叩禪扃老僧備罇席相與共斟酌醉後

風生腋同遊促余返餘興猶難擲一步一回看煙嵐屢
變易攬策出谷口城角月已白

秋日偶成

白露被東皋人忙日偏短雞犬散場圃牛羊下村墮野
曠人聲高風急鴈飛緩今年秋有成家家禾黍滿野火
穿林坳簞車載穡稈歸來持雙螯燈前酒一盃

昌黎東山晚眺

行行出郭門直上東山頂涼風吹我衣夕陽照孤影謾
謾松濤鳴高望東南迴絕頂發狂歌晚煙迷萬井

孫貞女詩

有序

女容城人少許字於安州李學博之子炳文未
及嫁而炳文故時女年十九誓守志終身親黨
勸阻之不可得卒適夫家視殮送葬俱如禮事
舅姑以孝聞而於織紉尤勤迄今已二十年矣
丙辰秋杪婦兄倪成之茂才以狀索題因賦

我讀柏舟詩掩卷嘗三喟歎彼金石貞從一終不二豈
知有奇行更出柏舟外容城古名區扶輿清氣萃有女

其氏孫巾幗而冠帶不吟柳絮詩不識迴文字少小習
女經獨能明大義安州李氏子鬱鬱璠璣器青松附蔦
蘿百年結盟契門閤既相當年庚且相配美哉雙璧人
方期六禮備無何李子病二豎交爲厲女聞心如擣閉
戶潛垂涕此身久許人未笄祇週歲天心儻不慈誓守
終身志俄而凶問來父母多方譬謂婦重節烈禮經豈
無謂兒旣未廟見改字義非背况兒正弱齡所事將奚
賴不恆羞或承思維宜至再女聞益號咷觸柱首幾碎
父母不從兒偷生復何爲姑姊苦勸之搖首泣且擗戚

屬婉諭之靡他矢不悔夫家力阻之掩面若聾聵孫乃
告於李擇吉允歸妹女自髻髻臨冥婚禮弗殺披帷憑
夫棺痛夫棺已蓋謂夫有老親溫清妾可代妾歸心始
安夫死魂應慰上堂奉尊嫜入室勤絡緯遂以一日心
畢生守勿懈或云匹耦事先王有明誠未嫁而稱孀矯
激無乃太我聞殊不然人志各有在譬如臣事君不貳
固足貴倘其未委質守志詎云諄不見孫夏峰籍未通
明季 聖朝求遺賢徵召終不至介節與貞心義並足
萬世文既同里閭是否夏峰裔我詩愧質俚聊當彤管

記它年 旌門閣綽楔 九重賚

題盧龍謝雲航明府

子澄

所輯黃梁夢詩鈔

人生如傀儡顛倒戲場中
腳色雖有殊場散皆虛空
天地當混沌無始亦無終
媧皇竟多事搏土誇神功
有人此有夢夢境生重重
盧生彼何人夢覺凌仙風
富貴固幻相神仙豈真容
萬劫人與物一氣歸鴻濛
披讀黃梁詩說夢誠夢夢

題張亦仙茂才

山

耳園種菜圖

董子不窺園樊遲請學圃
志趣雖不同古人各有取君

家清河濬蕭然守環堵旁有數畝園云關自乃祖問名
何由防枕流慕孫楚徑開蔣詡三柳種陶潛五長松大
十圍髯蒼鱗更古隙地手自鋤菜稜紛難數灌溉務得
時况此近溪滸豆棚高壓籬瓜蔓低垂戶晚菘飽秋霜
早韭翦春雨四序足嘉蔬根香最堪茹藜藿既可甘茶
蓼亦奚苦君少攻詩書聲名噪庠序十上不得志幡然
謝簪組微利薄蠅頭虛名輕鷺股抱甕若終身繼志期
繩武長安貴遊子起宅徵歌舞花木追平泉珍奇擬郿
鳴雖供一餉樂有如飛蚊聚轉瞬成滄桑樓臺餘柱礎

我無食肉相菜羹當麟脯牆東有小園恰對荷花浦書
繡囊駝經睡學混沌譜亂耳無箏琶隨意安罌甌若逢
碩虎頭合向新圖補同是種園人莫謾區賓主

次韻和史君牧見贈七首

人生意未豁秋毫天地隔空懷千里心轅下傷局迫良
友忽邂逅奇觀快新獲文章相切劘更敘宗祏籍聚散
不可常願言永朝夕

馳驅名利場少年希榮遇豈知蒲柳姿易迫桑榆暮掉
頭歸去來動靜隨時數閉戶事鉛槧與君有同務作者

古如林在在導先路陳言半糟粕君獨領妙趣褰裳躡
後墜愛極翻成妒

窮士伏草茅達官耀紳冕志趣不容強同堂可異撰我
生四十餘虛廁賓興典何者足自娛妄意希文辯吾家
大手筆著述相收勉特恐詮癡符未免示人淺

國家正多事大廈資梁棟翹首問時賢何事可安衆惜
哉冠儒冠祇借毛錐重我無用世才東園學抱甕但冀
心太平一任鄒魯闕

憶昔登高時睽違條踰歲

去歲重九日與君同遊橫山紫金山偏涼汀諸勝

夜

坐懷同心寒蟲語陰砌雙輪無停晷屑屑人間世揮手
謝浮名攬袂結遐契相勛以古人不爲窮通計君真江
庾流安得日一詣

橫灤百里遙夢中幾來去相思託鴈魚不厭郵筒遞羨
君主人賢詩酒會賓御共騁才力豪又得江山助騷壇
狎主盟羣雄息割據踈蹶愧駑駘空仁驂駟馭

惠我齊紈扇清風浹肌髓濡毫爲寫照况復煩道子

祁季

聞刺史爲寫深樹
聽蟬小照於上

蟬鳴深樹間人立斜陽裏境地如許

清撫躬愧難似楮墨寫性情警欬儼密邇和詩勉學步

將毋邯鄲比

和邢季聞刺史

之錄

遊空龍山原韻

衆山如奔驂脫銜走平曠灤江自北來兩峽束秋漲空
龍山最奇橫出扼其吭憶昔歲在丑往遊意頗暢石窟
闢齷房大小各殊狀飛軒亂樹圍古剎危崖傍一徑引
修蛇蜿蜒碧霄上老僧出迎客道我腰腳壯少憇入洞
府幽深迷背向怪石撐齒牙偃僂不敢抗曲似蟻穿珠
詭如狐穴壙天光豁然開騰身出狹巷更上白雲梯廟外
有石磴旁鑄白 扶搖接蓬閭興盡尋歸路舟中倒杯盞
雲梯三大字

拱手謝山靈奇觀此云荆醉欲鬪詩箋狂思眠酒藏牛
羊忽下陂落日孤帆颺別來三載餘巖花幾開放同人

散如星

謂常職卿楊
魯田兩君

空將尺素貺低徊溯舊蹤夢寐猶

難忘公詩善寫生紙上具波嶂讀罷心迷惑煙雲遙漾
漾想見政清暇出城恣眺望幕下聚鄒枚滿座光風蕩
屈指近重九好山應再訪霜林夾岸紅絕頂發高唱會
當杖策從煩襟同一盪

得常職卿孝廉

守方

遼東手札賦此以代報書

吾家北海濱園宅多幽僻深樹揜柴荆來過無熟客與

君結同心風雨數晨夕時抽架上書疑義相與覈忽忽
三十年流光駒過隙東園花木繁風景今猶昔如何同
心人頓成千里隔

窮通有定數聚散亦常理顛倒造化中胡爲分憂喜瘴
君數十旬東望時翹企溟渤浩煙波衍濛朝霞紫人生
貴知心縞紵虛文耳嗟嗟世道交對面九疑似苟得志
術合天涯猶尺咫

今歲東園花春夏遭蟲蠹葉卷冑蛛絲瘠如人抱痼秋
來換新葉忽發花盈樹人謂氣候愆余謂別有故鬱久

勢必伸盈虛理可悟不畏枝葉傷惟期根蒂固書此寄
君知慎勿悲遲暮

蚤歲學文章妄期傳不朽抑知身後名果益生前否况
乎古之人著述半覆瓿嗜好殊酸鹹愛憎易好醜既難
愜我心焉能齊衆口吾儕思著書毋乃高敞帚終日仰
屋梁不如且飲酒

讀君紀遊詩千山

遼陽山名

如在目相思不得往奇觀羨君

獨憶昔日盤遊博覽窮幽伏峰高月比肩磴滑雲生足
絕頂發狂歌餘響振林谷好山如好詩不厭百回讀會

當婚嫁畢相將友麋鹿

我生過四旬君年及五十髮禿齒搖搖言功何所立插
架數卷書山淵足樵汲負郭二頃田餽粥聊供給何須
名利場束縛如豚豎從今與君約農圃且親習歸哉復
歸哉客路風霜急

水塔寺

驅車出郭門緇塵迎面撲引領見西山頓覺豁心目金
碧煥樓臺清華足水木蘭若遠相望煙嵐圍簇簇言尋
相國園水塔名久熟取徑
御園西岡巒爭起伏詰

曲度龍潭一徑入松竹池榭雖荒涼却壑尙迴複架石
以爲梁牽藤可補屋繞砌亂泉鳴依簷飛鳥宿雲來萬
樹平雨過千峰沐奇石蹲虎龍幽林狎麋鹿仙果間名
葩朝暮散清醲平居愛名勝如渴思茗啣今晨來此間
如畫得飽讀無奈世網牽欲留不可復回首謝山靈何
時此卜築

由水巖過大峪登紫石厓

纔下東峰巔又上西山頂人或笑其勞吾自厲吾猛細
路循巖磔登頓披榛梗鳥鳴林壑幽犬吠村塢靜過澗

時低頭攀崖還引領流泉足底鳴激石聲作哽曲磴盤
環環平梁橫僂僂行行且復休小坐據高嶺南望海天
濶晴空開萬頃城郭帶斜陽白沙接溟濤四山紅葉紅
更比春花靚傍晚尋路歸十步九換景童冠共陶然歌
吟忘路永到寺日已沈夜遊還燭秉寓內多名山焉能
遍遊騁人苦不得闕蓬萊在人境

用韻酬王砥山

立柱

古人不可見仰視浮雲馳漢魏及元明文陣幾雄師世
運判升降文品區醜疵自爲一家言要皆不可遺相傳

如薪火相導如龜著嗟余生也晚未得與同時終身噉
糟粕人或譏書癡聲不辨雅鄭味嘗昧澀滯有時奮然
興自謂古可追風雨手一編寒暑勤孜孜冀堂室入
先期藩籬窺望道苦未見毛髮已如絲安得同心友晨
夕相追隨蘊真欣所遇傾吐胸中奇蒹葭懷伊人宛在
水之湄安豐竹林彥摩詰輞川漪神交踰十載蹤跡偏
多睽去年客平州邂逅海鶴姿咳唾落珠玉華實交紛
披胸襟既礪礪氣宇尤嶽峙抵掌論古今燭跋神未疲
呼阮籍老兵稱德祖小兒彼此意歡然同恨相見遲會

難別復易門外駒歌驪別來閱數月百里長相思君才
利如劍我質鈍如槌譬如行軍旅君帥我偏裨又如度
林木君桐我櫟榿好醜不自見對鏡呈須臾自覩徐公
美彌形嫫母媿小巫愧大巫東施效西施猥以一日長
謬蒙青眼垂歸掃蔣詡徑時亡貢公慕浴佛屈良辰稱
觥介壽祺小人有老母扶杖方含飴笙簧鳴鵲譔冠蓋
羅邴邴秩秩列殺核躑躑拜階墀忽報嘉客至鵲噪庭
樹枝洗盞更斟酌連倒金屈卮酒罷敬膝席請君摛祝
詞祝詞懸百幅率皆絕妙辭君獨出新意當筵撚吟髭

吟成不自足邀我同敲推已無毫髮憾癡索許毛吹妙
楷書金箋法本獻與羲與衆較工拙羣焉遜般倅竭來
五朵雲又贈懷人詩洋洋六十韻韻險多抵巇韓筆尙
聳牙鼎說能解頤知我有遊癖期我角山陂憶昔碣石
遊草木方萐離雲霧仙人臺日睨文公祠花邨圍簇簇
果圃覽蠡蠡角山向東望密邇若鄰比重陽天氣清正
好手同攜會當襍被往絕頂一筇支天下饒名山欲往
愁路歧陸地足豺虎水道伏蛟螭方今用武時文弱恐
非宜我不覓封侯亦將投毛錐

復崔子玉孝廉樹寶即追和其春初見寄原韻

昔入崔儵室欲別情殊戀相知貴知心跡隔非所恨一
昨尺書來快談如覩面何時再登門藏書發篋衍人生
天地間飄塵直少選廊廟與山林問果孰貴賤少慕五
嶽遊向禽從未便深悔從前誤卅年困文戰今誓蠟遊
屐先始自畿甸荆川主人賢謂砥山有書來隔縣期我角
山巔行廚備蔬膳好山如好友不厭晨夕見手扶七尺
筇巖壑踏將徧知君有同好聞之定歡怵重陽風雨晴
霜葉奪花豔會當賦登高收入新詩卷

贈某醫士

我不解醫方我曾參醫理用藥如用兵令行臂使指將
帥有弗諧小駟僨轅矣持重與神速勝負一間耳區區
頒陣圖執法無乃鄙九折方爲良十全能起死不藥得
中醫古語亦有以余嘗抱疑惑願言求一是君是長桑
君定能洞斯旨望聞復問切君臣兼佐使決勝在幾先
豈似兵談紙佳兵者不祥勿藥或有喜五臟不能言且
飲上池水

同治七年九月十五日書吳

同治歲戊辰時逢九月望日晷交申初天宇晴闐闐忽
覩一星流喧聲驚里巷自東投向西疾如飛礮放光滅
化孤烟玉帶橫天上首尾翦翦齊千丈長有長須與變
態呈色兼黃碧絳其直有如繩其豔有如虹菁傳五色
雲或當異此狀空際聲鈴鈴墜地迸火益似雷而非雷
天鼓語非妄史記天官書云天鼓有音如雷非雷聲動烟漸闊散作浮雲
漾休微抑咎徵天象原可相辛酉八月朔事猶記疇臯
日月璧合雙五星聯一桁踰歲初改元中元夜景曠幕
地星亂馳縱橫梭織樣南北與東西火線飛一鉤天變

詔修省凌晨

綸綽降茲復現此兆令人心悵

悵軍興廿餘載到處需勦防今春盜尤迫直入畿南掠
所幸數月間捷奏妖氛蕩滿目尙瘡痍難遽云無恙史
記天官書五行驗衰王凶吉由人爲蒼蒼豈予誑我今
賦此詩用以志不忘

題方存之明府

宗誠

所輯養蒙辨訓後

赤子心當存童心不可有人非慎始基窮經空皓首起

語用 先會
王父舊句

惡紫恐奪朱害苗須去莠性善本生初勿

爲習所狃習慣若性成聖狂從茲剖養正在乎蒙易象

良有取父兄教不先子弟行將苟今君輯是編循循真
善誘世之聰敏士論才恆以斗木實苟先撥枝葉焉能
八寇勉勵前修何以告無忤我願廣斯傳相與拳拳守

雜詩

人心有大蔽惡直而好諛有過告則喜卓哉鷄冠儒鄒
忌美丈夫欲擬城北徐攬鏡頻自照深愧美不如妻妾
畏愛我客亦有覬覦若止聽諛言幾何不自誣有家有
國者莫與譏詔居

既使齊人傳莫使楚人咻居州雖善士難恃一居州大

人格君非俊又當旁求僕從皆正人
袞職自然修歌者
田且止我思趙烈侯

宦妾固權寵彼亦有所受不見仇士良以術傳其後人
主勿令閒時以奢靡誘不使讀書史最恐近儒考百計
蠱其心權斯任我取其黨拜謝去心傳期共守讀史者
至斯亦知警惕否便辟與善柔古尤戒損友

不畏先生嗔但怕後生笑歐陽纂已文戲言真入妙會
子嚴指示慎獨勤內照衛武立史監賓筵戒怠傲若不
恤人言當是不自好充此怕笑心於道定深造

校書天祿閣太乙吹青藜枕中鴻寶書當是仙人貽劉
政淡龍利素具神仙姿藥服未央丸仙去或無疑改名
應圖識劉歆何貪癡子政誠駢角其子反成犁

世傳火浣布火鼠毛所爲魏文著典論誠爲庸妄辭豈
知天地間五行各生滋物生含異氣難以常理推蕭邱
有寒火爾雅載火龜火龜與火鼠其性無差池若以目
睫論勿乃坐井啜

殷浩諳脉法一劑起羸厓恥以醫受役發憤焚經方用
兵如用藥攻守須參詳胡爲將七萬北伐敗山桑嗚呼

殷深源素繫蒼生望所至盜虛聲僨事真堪傷用兵其
所短何復棄所長仁人思濟物以醫名何妨古之秦越
人活人功無量不見小范公會欲學岐黃良醫比良相
特恐不能良

東陵十畝瓜藉以避世塵南山一頃豆竟以危其身名
利心未淨何能稱隱淪激言召奇禍漫云君寡思仁得
本無怨身隱焉用文傷哉楊子幼難與召平倫

紹聖黨禍起賢去如卷蓬諸賢罷官制盡出林子中子
中工文章名齊蘇長公甘心壞名節筆舌逞淫凶老姦

擅國語陰斥宣仁宮讀者髮爲指狂吠何訥訥問渠胡
至此巧宦情多濃好官終未得笑罵叢厥躬是非羞惡
心人人原從同羞鑄黨人碑獨有安石工

丁丑初秋太守游公邀同志局諸子登清風臺懷

古有作

小佐太公祠

志局設此

言尋清聖廟凌晨起披衣同放灤江

權太守游興豪諸子多英妙把盞望西山指點縱言笑
須臾到廟門一徑入窈窕崇臺雲外倚拾級共展眺樓
影印澄波松濤激飛瀑殘暑尙未退新涼此先到醉後

披襟當泠泠透毛竅緬懷古人心不禁發長嘯昔待天下清避居北海隅豈非以獨夫腥聞徧四境一旦武王來毋野宣誓誥待清清有期應愜心中好胡爲叩馬諫責之以仁孝求仁固得仁易暴豈以暴且師已出矣焉能反汗號八百國來同前徒戈盡倒尙父方鷹揚早罷涓濱釣二老皆聖人底事不同調特以君臣義須爲萬世告藉此扶綱常非云妄譏誚後來篡弒輩往往神器盜誰具湯武志動稱古是效墨胎見及此數言揭其要彼功在永清此聖以清造質之於太公當亦心相照一

餓足千秋爭光並兩曜今來挹清風塵慮淨如掃薄言
采薇蕨聊當蘋蘩

題方存之棘津詩冊

我生好遠游足未出閩里年衰志尙壯終期副弧矢昔
作保陽行謬辱賢相禮與君邂逅遇相許以國士分袂
忽十年雲樹思無已去歲買扁舟欲汎曲江涘武城聞
絃歌紆道訪良宰爲我談湖山歷歷前途指旱氣方熾
熾又入炎蒸裏躑躅齊魯郊竟爾半途止今君已倦游
作詩寓微旨宦海不繫舟勇退人有幾君方念藜蘆我

亦志山水異日到江南相逢定莞爾

頤園感舊

我欲遊西山結伴無勝侶仗策出南郭言尋莊尺五

右安

門外有尺五莊

今歲春較寒豐臺花未吐躑躅垂柳陰飛花亂

無主頤園昔曾游相距不數武詰曲渡溪橋到迺無所
視老樹餘枯槎荒榛沒殘礎花木半林煙亭榭一抔土
回憶全盛時平泉堪並數滄桑一剎那轉瞬成今古如
鹿覆蕉惶夢境迷處所惟見蒲蘆青閣閣沸蛙鼓

過寶店有感寶燕山事

孟言三不孝無後罪爲大有子不知教罪與無後類昔者竇燕山聯芳有五桂佳話傳千秋義方冠五代或云有天幸非盡教之謂堯舜於朱均不應乏訓誨駢角出羣牛詒謀奚足賴予曰是不然中人易成敗倘無調駒方便是祇犢愛愛之能勿勞宣尼所垂誠我無燕山福而有燕山志感此發狂言歸以示兒輩

讀游觀察藏園詩鈔書後

我讀藏園詩我繹藏園旨春蠶由冬藏蓄深發乃侈天道有關闔人事判行止動必相乎時藏器將有俟公昔

伏衡茅抱膝空山裏以藏名其園養晦道在此舍藏用
則行仕方踰強仕所至勵清勤愛民而下士庭懸羊續
魚野馴魯恭雉薊北與江南頌聲遍遐邇公餘擘吟箋
詩真餘事耳卽以餘事論抑豈尋常比春陵元道州石
壕杜子美載誦叔夫詞感歎尤無已牧令皆叔夫叔夫
亦赤子卽小可喻大推人在盡已藹然仁者言其利誠
溥矣聲音與政通詩亦通治理循吏作詩人治譜兼詩
史昨賜尺一書命爲審去取管蠡見幾何安足高深擬
惟公自序云它年殉葬以殉葬胡爲乎文冢然乎否藏

之在名山寶氣騰霄紫藏之不終藏應貴洛陽紙

宿晏城感晏子薦御事

御爲藝之一聖人所不鄙要之執鞭士未足語乎此昔
者齊相嬰身短而器偉其御神揚揚竟爲妻所耻妻耻
夫改行遂與朝紳齒筦庫有賢豪盜亦有傑士薦賢破
資格美談著書史今過晏子城念此歎不已胡爲古今
來御亦罕有比世界有其人不患無晏子

過津訪梅小樹適遇病不能見因口占以寄

落落數晨星不堪屈我指君是魯靈光海內今有幾澗

別五十年相距三百里一旦得交臂詎容失尺咫白日
易西沈滄波日東駛文字有因緣難逢是知己我想病
維摩當亦勿藥喜入拜龐公牀無勞迎倒屣我非敬容
客逐客令且止

調小樹

榜以不材全敢冀靈椿壽愛我祝我年謂我宜黃耇

君謂

我詩文有壽徵世事皆浮雲人生如鷓狗修短亦隨緣何須歎

衰朽君病方小愈精神忽抖擻白首快新知不覺坐談
久明月照屋梁清風來戶牖翌晨報我云沈疴掃如帚

塊已消胸中方無需肘後我材非參苓竟爲藥籠有寄
語老梅僊壽我梅花酒

梅花酒可
以御老

西淀作

疇昔買扁舟爲探西湖奧南行塗未半驟返明湖櫂西
湖比西子明湖敢罄效至今懷彼美時時向西笑今又

買舟行欲踐中山約有客搜典墳

王文泉方輯
刊畿輔叢書

邀我事

警校好書如好山本我心中好密邇舟難通

至保陽水
路已盡

車行畏馘虜况值夏正中暑氣將人惱徘徊西淀間中
山竟空眺我志在西湖西淀何足樂
先皇舊水

圍只見閒罽罩我今發微願默向神靈禱吾鄉多名山
但少波光繞碣石俯滄溟角山據關隩橫灤有偏涼危
磯亦兀傲割取數峰來插向淀之壘山皆枕水湄水皆
穴山竅止一轉移間山水都成妙西湖有十景

仁皇錫嘉號此亦

宸游地樓閣餘光耀燕南十二

橋詎讓六橋造南北接長堤應與蘇堤肖鶯啼柳浪深
魚躍荷風搖加以峰插雲便是雲四照夸娥負太行輕
如鳥卵苞界我此區區當必應帝召驅石煩神鞭詎謂
秦皇暴將來布置成帝定加賞犒西淀卽西湖任我游

且鈞

光緒戊子十月二十九日孫喜兒生書示其父

桂

我年迫桑榆我志愛松柏守此歲寒姿不競春花色憶
昔事孀親晷晷侍晨夕孤根茁眾芽遂爾成蕃植子既
受遺經孫亦食舊德闐然闐讀曾孫生欣然太母憚五

世得同堂

旌門荷

天錫南山稱壽觥北堂布

瑤席一幅家慶圖冠裳錯履舄我本託庇廕終愧少封
殖往歲孫生孫妄冀賦岐嶷夢未叶熊羆空花且無寔

生女而殤

今汝又添丁恰符震一索墜尋試啼聲嶺梅香正
劇吾家世耕讀書香年踰百富貴非有常進修貴無教
高曾矩矱存堂構辛勤積欲卜五世昌亟保五世澤

旒言

旒之云者贅旒之謂也寒夜圍爐獨坐追憶舊
聞參以閱歷偶有所觸輒以韻語寫之所言皆
古人所已言亦皆凡人所能言言之可也不言
之亦可也故概謂之旒言云

崑山玉抵鵲彭蠡魚飼獫非其性獨侈乃是所產豐菽

粟如水火熙皞成仁風安得使天下比戶皆可封
餉飢以斛珠不如米一簞庇寒以尺璧不如絮一團貴
賤豈有常惟時使之然中流失舟楫一壺值金千
孔不飲盜泉會不入勝母名惡且避之何況行真醜易
戒比匪傷奈何狎損友室與芝蘭居肆勿鮑魚偶
畜魚當逐獺畜獸當逐豺豺去獸乃蕃獺衆魚斯灾善
政在養民民患惟姦回子產稱惠人其惠從何來

焚林而獵獸竭澤以求魚一時雖充物恐復無留餘擗
節福之本暴殄禍所趨聖人有釣弋釣弋與人殊

良藥利於病未免於口苦忠言利於行未免於耳午醜
毒在宴安女惑男爲蠱事事求快心猶如食漏脯

名因實而得影隨形以生無形安有影無實安有名媿
母與毛嬙妍媸皆自呈把鏡欲相假羨妬徒營營

聞謗而怒者怒每藏禍胎聞譽而喜者喜卽招佞媒君
子重內修毀譽皆浮埃一生坦蕩心天地同恢恢

天子稱獨夫匹夫稱素王人心所歸往不在富與強積
善有餘慶積惡有餘殃秦皇肆并吞難免二世亡

大禹入裸國欣然而解衣老聃至西戎言亦效乎夷屠

龍無所用不如學割雞鑿形莫如鏡盲者取覆卮
扁鵲能活人不能肉白骨箕比能諫君不能存亡國和
采有所受要必待甘白不憤不悱者聖人誨不得
造父無鞭策不克調馴馬舜禹無勢位何以治天下勢
位固可憑勢位究難恃夏癸與商辛皆以勢位死
罷馬不畏鞭窮鼠能嚙狸一張復一弛文武道在茲操
杖以呼狗張弓而視雞欲強與之合適益驅之離
墨突不暇黔孔席不及煖栖栖欲何爲祇爲多悲憫伏
波髮鑠翁據鞍猶顧盼誰乘下澤車鄉里人稱善

孤蓬生麻中不扶而自直素紗入緇中不練而自黑人
弗慎所習性眞能勿漓墨子悲絲染揚子泣路歧

大禹決江河不乘舂與鑿周公築雒邑不躬版與礪大
人與小人心力分其勞樊遲學稼圃宜爲世所嘲

牛刀可割雞雞刀難屠牛力薄而任重覆餗實堪憂虛
譽不可受妄福不可求培塿無松柏蹄涔無蛟虬

相如未逢時客游賦子虛揚雲不得志草茅攜豎鳥虞
卿昔有言窮愁始著書宣尼如大用春秋作亦無

靈草有屈軼異獸有獬廌指佞與觸邪天生佐治理叔

季多詐譏笑言藏姦宄安得照膽鏡鑒此賊與鬼
宋景不移咎楚昭不禳雲子產距神竈違卜有邾文吉
凶禍福問在人不在神號國將亡日有神居於莘

三箇必自反兩日如之何胸中少冰炭世上無風波於
人不求勝勝人爲己多不見蘭相如迴車避廉頗
人身有嗜慾如樹抱蠅生蠅生樹自腐慾熾身自傾世
無不死藥何以躋蓬瀛聖人慎在疾漫齊殤與彭

宿瘤貴於齊莊姜弃於衛貌不在好醜亦云遇不遇顏
淵以短折東陵以壽終茫茫此天意我欲問蒼穹

衛瑕誘尼父戚倉沮孟叟得失皆有命進退焉肯苟聖
賢重理義小人日否否笑罵由他人好官我自有

寸煙泄竈突災遂灰千室尺蠅穿河隄害每漂一邑君
子慎於微兢兢戒蹉跌人莫躓於山而多躓於埴

走者奪其翼飛者滅其趾豐後無前足有角無上齒天
地猶有憾人苦不知足帝王求神仙秦皇方僕僕

太牢盲野獸九韶樂飛鳥在此雖諄諄在彼終藐藐奏
扇於嚴冬進爐於三伏既似珠暗投還愁玉別足

善小亦有益惡小詎無傷牛胎如鼯鼠轉瞬成牯犢積

溜穿巖石蟻穴隕隄防商辛製象箸遂以驕奢亡

孿子之相似唯母能辨之利與害相倚唯智能先知金玉炫於前戈矛伏於後猩猩解罽人無如好屐酒

小人居近市豈盡賤丈夫儼然冠裳列乃甘爲蹠徒爲富而不仁較利窮錙銖以貪成大愚剖腹藏明珠

大舜目重瞳重瞳又西楚孔子大聖人貌乃似陽虎惡婉而美很性乃與形午若以貌取人安免失子羽

朱詡葬董賢爲吏亦云忠雖日報私恩公義在其中其身死非臯其子膺侯封哭卓而被戮傷矣哉蔡邕

老氏曰知足佛氏云隨緣委身名利場谿壑終難填登
龍罔市利媚奧竊朝權已夢半身熱猶望熱其全

未二句用

張敬
見事

安石行新法子勸斬富韓秦檜害武穆妻言放虎難向
使不助虐豈必成大奸父貴有諍子夫亦望婦賢

施施自外來妻妾中庭啼人生不知耻安免齊人譏諂
能學狗吠驕且假虎威蜣螂以穢飽方笑孛蟬飢

北山黃公醫後藥先寢食扮陰侯生筮後卦先人事凡
事有本末本亂末難治治道重教養有養教乃易

畫鬼易爲巧寫物難爲工鬼虛無定質物實有真容中
庸不可能爲其不易偏索隱而行怪後世有述焉

稷鋤利五穀而爲稂莠害刑法治姦邪而爲良民賴霜
有成物功雨多物亦敗漢黃霸有云道在去其泰

龍未遇雷雨魚鼈相與鄰驥未遇孫陽驚駘相與羣有
如雄處囊有如玉在珉誰能識英雄物色於風塵

文王葬枯骨天下稱仁人商紂斲朝涉天下稱暴君所
施不必徧恩怨肌髓淪一言如挾纊何況實有恩

揖讓與征誅皆自聖人始堯舜湯武事悉出不得已揖

讓非其人豈遂堯舜擬燕噲與漢哀千古令人齒
天壤有王郎新婦配參軍是語成何語鍾謝皆名媛名
媛語如是竟入列女篇晉史好語怪此亦無乃傾

自得各孫同人多以詩見賀賦此以謝

鬱鬱庭樹陰去年新栽樹去年襁褓兒轉瞬已學步但
冀兒長成忘卻身遲暮誦君祝嘏辭低回頻自顧

少如來三歲多孔子四年

用徐陵對北使
語謂七十七也

公孫遇隋文

年歲方齊肩豈云蒲柳姿遂難松柏延羣仙千萬壽尚

擬酬瑤篇

疇昔飛華牋徵詩爲壽母今日自徵詩無乃訕自取矜
耶自譽耶余應曰否否藉慰九京心母常望兒壽